

Ibraaheem^(a.s) Aur Unkī Qaum, Nasloñ Ko Barkat

Taurait : Khilqat 12:1-7

Allaah taa'alā ne Ibraaheem^(a.s)^[a] se kahā, "Tum apne mulk aur apne logoñ ko aur apne k̄haandaan ko choḍo aur us mulk me jao jo maiñ tumheñ dikhaauñgā.⁽¹⁾ Maiñ tumse ek azeem jamaat ko banaauñgā. Maiñ tumko barkat duñgā aur tumhaare naam ko mashahur kar duñgā. Tumhaarī wajah se zameen ke bahut saare logoñ ko barkat milegi.⁽²⁾ Maiñ un logoñ ko barkat duñgā jo tumko izzat deñge aur maiñ un logoñ par laanat bhejuñgā jo tumhaarī beizzati kareñge. Tum se hī is sarzameen ke saare k̄haandaanoñ par barkat hogi."⁽³⁾

Ibraaheem^(a.s) ne Allaah taa'alā ke hukm ke mutaabiq Haaraan shahar ko choḍā.⁽⁴⁾ Lut^(a.s) bhī unke saath gae. Ibraaheem^(a.s) pachahattar saal ke the jab unhone shahar Haaraan ko choḍā thā. Unhone apnī beewī Saarah apne bhateje aur apnī saarī jamā kī huī cheezoñ ko liyā aur un saare logoñ ko bhī saath liyā jo unheñ Haaraan kī zameen par mile the. Tab wo aur unke ghar waale Haaraan ko choḍ kar Kanaan kī zameen par pahuñche. Wo log bahut lambā safar tay kar ke shehkam pahuñche.⁽⁵⁾ Wo āge safar karte hue ek baḍe shaahablut ke peḍ ke paas jā pahuñche jo Mure naam kī jagah me thā. Kanaan ke log us waqt us zameen par rahte the.⁽⁶⁾ Tab Allaah taa'alā ne Ibraaheem^(a.s) se baat karī aur kahā, "Maiñ ye zameen tumhaarī nasl ko de rahā huñ." To Ibraaheem^(a.s) ne wahañ ek chabutrā banaayā, kyūñki Allaah taa'alā ne unse us jagah par baat karī thī.⁽⁷⁾

[a] Allaah taa'alā ne Ibraaheem^(a.s) ko barkat dī aur unkā naam Abraam se badal kar Ibraaheem rakh diyā. Abraam kā matlab hai ek izzatdaar waalid aur Ibraaheem kā matlab hai ek azeem qaum kā waalid. Allaah taa'alā ne unkī nasloñ ko itnā baḍhaane kā waadā kiyā thā ke jitne āsmaan me taare haiñ yā samañdar me jitne ret ke daane.